



## ԵՊԻՍԿՈՊՈՍԱԿԱՆ ԶԵՆՆԱԴՐՈՒԹՅՈՒՆ ՄԱՅՐ ԱԹՈՒՈՒՄ

Նոյեմբերի 29-ին, կիրակի օր, Ամենայն Հայոց Վեհափառ Հայրապետը, Մայր Տաճարում, կատարում է եպիսկոպոսական ձեռնադրություն և հավատի ու հայրենասիրության սրբալույս մեռոնով օծում ճակատները նորապսակ երկու եպիսկոպոսների՝ Արարատյան հայրապետական թեմի փոխանորդ Տ. Վահան ծայրագույն վարդապետ Տերյանի և Ռումինիայի ու Բուլղարիայի հայոց թեմերի առաջնորդ Տ. Տիրայր վարդապետ Մարտիկյանի:

Նոյեմբերի 28-ին, շաբաթ օր, Հայ Եկեղեցու առաջին երկու լուսավորիչների՝ Ս. Թադևոսի և Ս. Բարթողիմեոսի տոնի երեկոյան, իջման Ս. Սեղանի առաջ, կատարվում է նորընծաների հրապարակային ճգնաժամի և ուխտագրության՝ ըստ սահմանի Հայաստանեայց Եկեղեցւոյ:

Նոյեմբերի 29-ին, կիրակի օր, Մայր Տաճարում, Ամենայն Հայոց Վեհափառ Հայրապետի շնորհաբաշխությամբ, կատարվում են ձեռնադրության և օծման արարողությունները:

Հանդիսությանց արարողապետ-խարտավիրակն է Վրաստանի հայոց թեմի առաջնորդ գերաշնորհ Տ. Կոմիտաս եպիսկոպոս Տեր-Ստեփանյանը:

Վեհարանից զգեստավորված, ամպհովանու տակ, Վեհափառ Հայրապետն առաջնորդվում է Մայր Տաճար, առավոտյան ժամը 11-ին, և Ս. Ստեփանոսի սեղանի առաջ, կատարում է նորընծաների եպիսկոպոսական ձեռնադրության խորհրդի առաջին մասը, առընթերակությամբ նորընտիր լուսարապետ գերաշնորհ Տ. Ասողիկ եպիսկոպոս Ղազարյանի և Շիրակի թեմի առաջնորդ գերաշնորհ Տ. Մաշտոց եպիսկոպոս Թաշիրյանի:

Ամենայն Հայոց Վեհափառ Հայրապետը, աղոթքով և օրհնությամբ, շնորհում է մինչև յոթը աստիճանները:

Այնուհետև սուրբ պատարագը շարունակվում է Ավագ Սեղանի վրա մինչև ճաշու գրգի

լնթերցումը, որից հետո սկսվում է ձեռնադրության կարգը:

«Ողջոյն»-ից առաջ կատարվում է օծման հանդիսավոր և շքեղ խորհուրդը՝ «Աստուածային և երկնային շնորհ» շարականի վեհ հնչյունների տակ:

Նորապսակները, եպիսկոպոսական լրիվ զգեստավորման մեջ, կանգնել են Ավագ Սեղանի աջ կողմում, մինչ ձեռնադրող Հայրապետը սրբալույս մեռոնով օծում է նրանց ճակատն ու աջ ձեռքի բուլբ մատը:

Այնուհետև, համապատասխան աղոթքներով, նորօծ եպիսկոպոսներին տրվում են եպիսկոպոսական զավազան և մատանի:

Կարդացվում է վերջին Ավետարանը, որից հետո, Վեհափառ Հայրապետի «Պահպանիչ»-ով, ավարտվում է եպիսկոպոսական օծման հանդիսությունը:

Վեհափառ Հայրապետը համբուրում է նորապսակների մեռոնադրոշմ ճակատները, օրհնում է և տալիս հայրապետական իր ներշնչված պատգամն ու հորդորները. «Լինել մշակք առանց ամօթոյ, անարատ պահել զանձն»:

Հավարտ սուրբ պատարագի, Վեհափառ Հայրապետը առաջնորդվում է Վեհարան՝ ընդունելու բազմաթիվ շնորհավորությունների ազգային մեծ տոնի՝ Հայաստանում սովետական կարգերի հաստատման 44-րդ տարեդարձի, ինչպես նաև օրվա շնորհաբաշխության բարեբաւտիկ առիթներով:

Ժամը 4-ին, Վեհարանում, կազմակերպվում է ընդունելություն ի պատիվ օրվա կրկնակի հանդիսությանց և ուրախությանց:

Սեղանն օրհնում է Վեհափառ Հայրապետը: Ընդունելության ներկա են Հայկական ՍՍԻ Մինիստրների սովետին առընթեր Հայ Եկեղեցու գործերի խորհրդի նախագահ պր. Կ. Դալլաբյանը, տեղակալ պր. Ս. Հովհաննիսյանը, Գերագույն Հոգևոր Խորհրդի և վերստուգիչ հանձնաժողովի անդամները, թեմակալ առաջնորդները, Մայր Աթոռի միաբանությունը, նրանի թեմական խորհրդի անդամները, Մայր Աթոռի պաշտոնեությունը,

Մայր Աթոռի տպարանի տեսուչը, «Էջմիածին» ամսագրի խմբագրական մարմինը և այլ հրավիրյալներ:

Հյուրերի թվում են ուխտավորաբար Մայր Հայրենիքում գտնվող պր. Ներսես Գասապյանը՝ ծանոթ ու սիրված մտավորականը Պյոլիդիլից (Բուլղարիա), պր. Վահե Աղասյանը Աթենքից, Հ. Բ. Ը. Միտթյան հարգելի նախագահը:

Վեհափառ Հայրապետը առաջին բաժակն առաջարկում է խմել վերածնված Մայր Հայրենիքի փառապանծ տոնի երջանիկ առիթով, հայ ժողովրդի և մեր հայրենի բարեխնամ կառավարության կենացը, բարեմաղթելով է՛լ ավելի բարգավաճում հայրենիքին, խաղաղություն և երջանկություն մեր ժողովրդին, եղբայրական ժողովուրդների համերաշխ ընտանիքում:

Հարգելի պր. Կ. Դալլաբյանը շնորհակալություն է հայտնում բարեմաղթությունների համար և բաժակը բարձրացնում Մայր Աթոռի և նրա արժանավոր Գահակալի կենաց արևշատության համար:

Ներկաներից շատերը ջերմ ելույթներ են ունենում՝ նվիրված օրվա կրկնակի հանդիսությանց նշանակության և խորհրդին, որոնց թվում Ս. Ասողիկ և Ս. Վարդան եպիսկոպոսները, պր. Ներսես Գասապյանը, պր. Վահե Աղասյանը, պրոֆ. Գ. Մեղնիկյանը, Գերագույն Հովեթոսը Խորհրդի անդամ Գ. Բեքմեղյանը, Արարատյան թեմի թեմական խորհրդի ատենապետ Ս. Արևշատյանը, և վերջում «Էջմիածին» ամսագրի խմբագիր Ա. Հատիտյանը:

Ընդունելության ընթացքում Վեհափառ Հայրապետը հայտնում է, որ Գերագույն Հոգևոր Խորհուրդը իր նույնիսկ 27-ի նիստում քննության է առել գերաշնորհ Ս. Սահակ արքեպիսկոպոսի հրաժարանը լուսարարապետի պաշտոնից առաջացյալ տարիքի պատճառով, և նոր լուսարարապետ է ընտրել գերաշնորհ Ս. Ասողիկ եպիսկոպոս Ղաղարյանին:

Նորին Ս. Օծովությունը, լուսարարապետի պաշտոնի սույն փոփոխության առիթով, հայրապետական Իր բարձր գնահատությունն ու գոհունակությունն է հայտնում Ս. Սահակ արքեպիսկոպոսին՝ նրա երկարամյա և նվիրյալ աշխատանքի համար և շնորհավորում է նորընտիր լուսարարապետ սրբազանին և ջերմ,

գրվատալից խոսքերով նշում, որ Ս. Ասողիկ սրբազանը, սիրով և առանց պայմանի, երեք տարի առաջ ընդունեց Մայր Աթոռում մնալու առաջարկը և այժմ ահա կոչվում է ավելի բարձր և պատասխանատու նոր աշխատանքի:

Բոլոր ներկաները ջերմորեն շնորհավորում են նորընտիր լուսարարապետ սրբազան հոր նոր պաշտոնը, մաղթելով նրան բաշտողություն և արդյունաբեր գործունեություն:

Վերջում Ս. Ասողիկ սրբազանը խորին շնորհակալություն է հայտնում իր անձի հանդեպ Ամենայն Հայոց Վեհափառ Հայրապետի ցույց տված բարձր վստահության համար և հույս է հայտնում, որ, Աստուծո օգնությամբ և ազգիս սիրեցյալ Վեհափառ Հայրապետի բարի աղոթքներով և գործակցությամբ, կաշխատի յուրովսանն ծառայել Մայր Աթոռին:

Սեղանների շուրջ ժամանակն անցնում էր արագ, բայց բովանդակալից և հաճելի հոգևոր, հայրենասիրական մթնոլորտում:

Ուրբի վրա են նորապսակ եպիսկոպոսները, իրենց շնորհակալության և երախտագիտության խոսքն ասելու Ամենայն Հայոց Վեհափառ Հայրապետին:

Միաժամանակ այսօր կրկնակի ուխտի օր է նրանց համար:

Եպիսկոպոսական բարձր պաշտոնը, հայրապետական բարձր վստահությունը պարտավորեցնում են. ձեռները դրած մաճի վրա, նրանք պետք է գնան առաջ, «զառ ի յետոյսն մոռացեալ» և «չառաջադէմսն նկրտեալ», Աստուծո, ժողովրդին և հայրենիքին նվիրված, անձնխիթ ծառայության ճանապարհով, լինելու «մշակք առանց ամօթոյ, ուղիղ համառօտել զբանն, նախ առնել և ապա ուսուցանել և պահել զանձն անարատ...»:

Ու խոսում են նորապսակները հավատով, լավատեսությամբ, վերակրկնում ծառայության իրենց ուխտը, խոստումը:

Թո՛ղ միշտ պայծառ ու կանաչ մնա նրանց ձալատների վրա՝ Ամենայն Հայոց Վեհափառ Հայրապետի օրհնալ Աջով գրոշմված, մեր նախնյաց հավատի և հայրենասիրության սրբալույս մեծոքը:

Ա՛յս է մեր բոլորի բարեմաղթությունը:

Ընդունելությունը վերջանում է սրտագին մթնոլորտում, Վեհափառ Հայրապետի օրհնությամբ և Տերունական աղոթքով:

